

醫

學

綱

目

醫學綱目卷之三十五

婦人部

胎前症

求子

受胎

惡阻

妊娠經來

胎漏下黃汁或如葶汁

胎動不安

胎上逼心

跌撲傷胎毒藥傷胎

妊病可下胎斷胎

胎自墮

十月未足欲產過期不產

難產縮胎法

坐草法

催生法

下死胎法

求子法

大法調經為先

胎前之道始於求子求子之法莫先調經每見婦人之無

子者其經必或前或後或多或少或將行作痛或行後作

痛或紫或黑或淡或凝而不調不調則血氣乖爭不能成

孕矣詳夫不調之由其或前或後及行後作痛者虛也其

少而淡者血虛也多者氣虛也其將行作痛及凝塊不散

者滯也紫黑色者滯而挾熱也治法血虛者四物氣虛者四物加參芪滯者香附縮砂木香檳榔枳仁玄胡滯久而沉痼者吐之下之脈証熱者四物加苓連脈証寒者四物加桂附及紫石英之類是也直至積去滯行虛回然後血氣和平能孕子也予每治經不調者只一味香附末醋為丸服之亦百發百中也

肥人多痰宜燥

婦人肥盛者多不能孕育以身中有脂膜閉塞子宮以致經事不行瘦弱婦人不能孕育以子宮無血精氣不聚故也肥人無子宜先服調理藥

當歸酒洗

川芎土炒

白芍

白朮

半夏湯洗

香附

陳皮各一兩

茯苓二兩

甘草一兩

作十貼每貼姜三片水煎吞後九子

白木二兩

半夏麩一兩

茯苓兩半

橘紅錢四

川芎

香附各一兩

神麩錢半

甘草錢二

粥丸每服八十九如熱多者加黃連枳實各一兩服前藥訖却服後蝨斯丸

厚朴

杜仲

桂心

秦艽各二錢

附子

茯苓各六錢

白微

半夏

乾姜

牛膝

沙參各二錢

人參錢四

細辛兩半

右為末煉蜜丸小豈大每服五丸空心酒下加至十九不妨覺有娠三月後不可更服忌食牛馬肉則難產當出月

按此方即秦桂丸也丹溪忌服之者蓋忌於瘦人無血者若肥人濕多者又兼前調理藥而所服丸數十減其

丸只服五分無妨也上三方得之於丹溪之子朱懋誠者累試有効

瘦人無血攝精

**海**大五補丸同上三方丸

瓦澗

天門冬 麥門冬 菖蒲 茯苓

人參 益智 枸杞 地骨皮

遠志 熟地各等分

右爲細末煉蜜丸如桐子大空心酒下三十九服本方數服後以七宣丸泄之

增損三才丸

天門冬 酒浸去心 熟地 酒浸去心 人參 去 遠志 去

五味子 茯苓 酒浸去心 鹿角 酥炙 一法加白馬

莖 酥炙 一法加附子補相火不足

一法加麥門冬令人有力 一法加續斷以續筋骨

一法加沉香煖下焦虛冷

右為細末煉蜜杵千下丸如桐子大每服五十九空心  
好酒下年老欲補加混元衣全個入藥混元衣者是胎衣頭生兒者佳  
用酒浸晒乾  
細杵為末

紫石英丸治婦人無子

紫石英研半飛三五

天門冬酒浸去心焙乾三兩

當歸切 川芎

紫葳 卷栢

熟地禹餘糧醋碎七次 牡蒙

石斛去根

辛夷各二兩

人參 肉桂

牡丹皮

桑寄生

細辛根 續斷

川烏炮

食茱萸 厚朴製

乾姜炮 牛膝酒浸各兩

柏子仁輕炒另研 山藟

烏賊魚骨燒灰各一兩半

甘草炙

右二十六味爲極細末煉蜜丸桐子大每服二十九酒

米飲任下空心食前日二

言疾

戴人過譙者營中飲會有一卒說出妻事戴人問其

故荅曰吾婦爲室女時心下有冷積如覆盆按之如水聲以熱手熨之如水娶來已十五年矣恐斷吾孕是以去之戴人曰公勿黜也如用吾藥病可除孕可得卒從之戴人診其寸脈沉而遲尺脈洪大有力非無子之候也可不逾年而孕其良人嘆曰試之先以三聖散吐涎一斗心下平軟次服白朮調中湯五苓散後以四物湯和之不再月氣血合度數月而娠一子戴人常曰用吾此法無不子之婦此言不誣 一婦人年三十四歲夢與鬼神交驚怕異常及見神堂陰司舟楫橋梁如此一十五年竟無妊娠巫覡覘禱無所不至鑽尻灸肉孔穴萬千黃瘦發熱引飲中滿

足腫委命于天一日苦請戴人戴人曰陽火盛于上陰水盛于下見鬼神者陰之靈神堂者陰之所丹楫橋梁水之用兩手寸脈皆沉而伏知胸中有痰實也凡三涌三泄三汗不旬日而無夢一月而有娠

精汚血冷

大盪胞湯治婦人立身以來全不產育及斷絕久不產二

三十年者

朴硝

丹皮

當歸

大黃

蒸一飯久

桃仁各三兩

細辛

厚朴

苦梗

赤芍藥

人參

茯苓

桂心

甘草

川牛膝

陳皮

各二兩

附子

炮一兩半

蜚虫炒焦去翅足

水蛭炒各十枚

右咬咀每服四大錢水酒各半盪煎至六分去渣温服

空心日三夜一温覆得少汗必下積血及冷赤膿如小

苳汁斟酌下盡若力弱大因不堪者只一二服止然恐  
惡物不盡不得藥力能盡服儘好不爾用坐導藥

坐導藥治全不產及斷緒服前盪胞湯惡物不盡用此方

皂角去皮子

吳茱萸

當歸各二兩

細辛去黃

五味子

乾姜炮各二兩

黃葵花

白礬枯

戎鹽

蜀椒各半兩

右為細末以絹袋大如指長三寸餘盛藥令滿縛定納  
婦人陰中坐臥任意勿行走小便時去之更安一日一  
度易新者必下清黃冷汁汁盡止若未見病出可十日  
安之本為子宮有冷惡物故令無子值天陰冷則發疼  
痛須候病出盡方已不可中輟每日早晚用薑菜煎湯  
薰之

秦桂丸論

無子之因多起於婦人醫者不求其因起

服法

於何處遍閱古方惟秦桂丸其辭確其意專用溫熱藥近  
乎人情欣然授之然服之甘受燔灼之禍猶澹然不悔  
何者陽精之施陰血能攝之精成其子血成其胞胎孕乃  
成今婦人之無子者率由血少不足以攝精也血之少也  
固非一端然欲得子者必須調補陰血使無虧欠乃可推  
其有餘以成胎孕何乃輕用熱劑煎熬臟腑血氣沸騰禍  
不旋踵矣或曰春氣溫和則萬物發生冬氣寒凜則萬物  
消隕非秦桂丸之溫熱何以得子臟溫煖而成胎耶予曰  
詩曰婦人和平則樂有子和則血氣均平則陰陽不爭今  
得此藥經血必轉紫黑漸成衰少或先或後始則飲食驟  
進久則口苦而乾陰陽不平血氣不和疾病蜂起焉能成  
胎縱然成胎生子亦多病而不壽以秦桂丸耗損天真之  
陰也戒之慎之

樓秦桂丸葑于肥人而少其丸數兼服調  
理補藥亦無妨但忌施于瘦人火多者也

**督脈** 生病女子不孕

**灸** 治男子無子者用熟艾一團用鹽填臍滿却於鹽上隨

鹽大小做艾丸灸之如痛即換鹽直灸至艾盡為度如一

日灸不盡二日三日灸之曾効

**關元** 婦人無子胞門在關內左邊二寸灸五十壯 又法氣門在關元傍各關三寸

灸五

**中極** 又法子宮在中極傍各關三寸針入二寸灸三七壯

**又法** 關元二十壯三報穴

**絕子** 灸臍中令人有子女女子手脚拘攣腹滿疝月水不

下乳餘疾絕子陰痒陰交主之 腹滿疝積聚餘疾絕子

陰痒刺石門千金云奔豚上少腹墜痛下引陰中不得小便 女子絕子衄血在

內不下關元主之千金云轉胞不得滿小腹滿各石水痛 婦人子門不端

少腹苦寒陰痒及痛經閉不通中極主之 婦人無子湧

診

泉主之 大疝絕子築賓主之 絕子商丘主之 穴在內

宛 婦人絕產若未曾產陰廉主之 刺入分半

**仲** 男子脈浮弱而濇為無子精氣清冷

**脈** 婦人少腹冷惡寒久年少者得之此為無子年大者得

之絕產 脈微弱而濇年少得此為無子中年得此為絕

產 肥人脈細胞有寒故令少子其色黃者胃上有寒

少陰脈浮而緊則疝瘕腹中痛半產而墮傷浮則亡血

絕產惡寒

受胎

**凡** 成胎以精血之後先分男女者褚澄之論也愚切惑焉

後閱東垣方有曰經水斷後一二日血海始淨精勝其血

感者成男四五日後血脈已旺精不勝血感者成女此論

亦為未瑩何以言之易曰乾道成男坤道成女夫乾坤陰

男女分  
左右

卷之二

七

陽之性情也左右陰陽之道路也男女陰陽之儀象也父精母血因感而會精之泄陽之施也血能攝之陰之化也精成其骨此萬物之始於乾元也血成其胞此萬物資生於坤元也陰陽交媾胎孕乃凝胎之所居名曰子宮一系在上下有兩岐一達於左一達於右精勝其血及剛日陽時感者則陽爲之主受氣於左子宮而男形成精不勝血及柔日陰時感者則陰爲之主受氣於右子宮而女形成或曰分男分女吾知之矣其有雙胎者將何如曰精氣有餘岐而分之血因分而攝之故也若夫男女同孕者剛日陽時柔日陰時感則陰陽混雜不屬左不屬右受氣于兩岐之間者也亦有三胎四胎五胎六胎者猶是而已或曰其有男不可爲父女不可爲母與男女之兼形者又若何而分之耶予曰男不可爲父得陽氣之虧者也女不可爲

母得陰氣之寒者也兼形者由陰爲駁氣所乘而爲狀不一以女兼男形者有二一則遇男爲妻遇女爲夫一則可妻而不可夫又有下爲女體上具男之全形此又駁之甚者也或曰駁氣所乘獨見於陰而所成之形又若是之不同耶子曰陰躰虛駁氣易于乘也駁氣所乘陰陽相混無所爲主不可屬左不可屬右受氣于兩岐之間隨所得駁氣之輕重而成形故所兼之形有不可得而同也

右丹溪此論極造精微發前人之未發是知男女之分已定於萬物資始乾元之際陰陽交媾之時昧者不寤是理妄有轉女爲男之法臧矣夫萬物皆資始於乾元獨男女之分不資始于乾元乎

胎前當清熱養血 產前安胎白朮黃芩妙藥也 胎前將臨月以三補丸加炒香附炒白芍藥蒸餅丸服 又抑

雜法

熟以三補用生地膏丸

本連柏為未地黃膏丸之

有孕八九個月必

順氣枳殼蘇莖

前至八九月因火動逆作喘急可用條

芩香附為未調下

驗胎法

神方驗胎散婦人三兩個月月經不行疑是兩身却疑

血滯心煩寒熱恍惚此藥可驗取之內也外已有身病無

邪脈以素問脈法推之十得八九矣

真雀腦芎

兩當歸全用重一兩者只用七錢

右二味為細末分作二服濃煎好艾湯一盞調下或好

酒調服亦得可待三兩個時辰聞覺腹臍微動仍頻即

有胎也動罷即愈安穩無虞如不是胎即不動所滯惡

物自行母亦安也如服藥不覺効再煎紅花湯調下必

有神効

靈芝治婦人經脈住三個月驗胎法真川芎為細末濃煎

艾湯下一七投腹內漸動是有胎也

試孕有無 甘草一寸 皂角一寸 黃連少

右為末酒調服有則吐無則不吐每服一錢半

婦人懷軀七月而不可知時時衄血而轉筋者此為軀也衄時墮而動者非軀也

婦人足少陰脈動甚者任子也平人氣象論謂太溪脈也全元起本作足少

陰王水本作手太陰當從全本○王註云動脈者如豆厥厥動提也一說動甚謂動搖太甚也 陰搏陽

別謂之有子陰陽別論○王註云陰謂尺中也搏謂搏動於手也尺脈搏擊與寸脈殊別則為有孕之

脈娠初時寸微小呼吸五至三月而尺數也脈滑疾重

以手按之散者胎已三月也脈重手按之不散但疾不滑

者五月也此皆陰搏陽別之義言尺脈滑數寸尺脈左

偏大為男右偏大為女左右俱大產二子大者如實狀陰

博別之義謂尺脉實大與寸脈別但分男左女右也 婦人妊娠四月欲知男女

法左疾為男右疾為女俱疾為生二子王十平云妊娠三

為男在右為女 遣妊娠人面南行還復呼之左廻首者是男右

為首者是女 看上圖時夫從後急呼之左廻首者是男

右為首者是女也

右按丹溪云男受胎在左子宮女受胎在右子宮斯言

大契是說也蓋男胎在左則左重故廻首時慎護重處

而就左也女胎在右則右重故廻首時慎護重處而就

右也推之於脈其義亦然胎在左則血氣護胎而盛於

左故脈亦從之而左疾為男左大為男也胎在右則血

氣護胎而盛於右故脈亦從之而右疾為女右大為女

也亦猶經云陰搏陽別謂之有子言受胎處在臍腹之

下則血氣護胎而盛於下故陰之尺脉鼓搏有力而與

陽之寸脈殊別也。又如癰癤發上則血氣從上而寸脈盛發下則血氣從下而尺脈盛發左則血氣從左而左脈盛發右則血氣從右而右脈盛也。丹溪以左大順男右大順女爲醫人之左右手。蓋智者之一失也。

婦人懷孕愛物乃一藏之虛。假如肝藏虛其血氣止能養胎不能榮肝。肝虛故愛酸物吃。

胎動不安或因僵仆或因毒藥重者便致傷墮。當以母形色察之。母面赤舌青者子死。母活唇口俱青兩邊沫出者子母俱死。面青舌赤口中沫出者母死子活也。

婦人妊娠八月脈實大牢強弦緊者生。沉細者死。

脈細勻易產。大浮緩氣散難產。

婦人懷胎一月之時足厥陰脈養。二月足少陽脈養。三月手心主脈養。四月手少陽脈養。五月足太陰脈養。六月

足陽明脈養七月手太陰脈養八月手陽明脈養九月足少陰脈養十月足太陽脈養諸陰陽各養三十日活兒手太陽少陰不養者下主月水上為乳汁活兒養母懷娠者不可灸刺其經必墮胎陳氏大論云足厥陰肝脈也足少陽膽脈也四時之令始於春木故十一經云胎養始於肝胆而在一月二月手心主心胞絡脾也手少陽三焦脈也屬火而旺夏所以養胎在三月四月足太陽脾脈也足陽明胃脈也足陽明屬土而旺長夏所以養胎在五月六月手太陽肺脈也手陽明大腸脈也足少陽膽脈也足太陽膀胱脈也屬金水而旺秋多所以養胎在七月八月九月十月

惡阻

惡阻謂嘔吐惡心頭眩惡食擇食是也

醫帝曰何以知懷子之且生也岐伯曰身軀有病而無邪

脈也腹中論

凡妊娠稟受怯弱便有阻病其狀顏色如故脈息和順但

覺肢軀沉重頭目昏眩擇食惡聞食氣好食鹹酸甚者或

診

禁忌

作寒熱心中憤悶嘔吐痰水恍惚不能支持巢氏謂之惡阻但症有輕重耳

**四** 婦人得平脈陰脈小弱其人渴不能食無寒熱名妊娠桂枝湯主之於法六十日當有此証設有醫治逆者却一月加吐下者則絕之

右絕之者謂絕止醫治候其自安也予常治一二婦阻病吐愈治愈逆因思此仲景絕之之旨遂停藥月餘自安真大哉聖賢之言也

痰症

**丹** 惡阻即從痰治多用二陳湯

**羅** 半夏茯苓湯治妊娠惡阻嘔吐心煩頭目眩暈惡聞食氣好食酸鹹多臥少起百節煩疼羸瘦有痰胎孕不牢

半夏

洗一兩 赤茯苓

熟地

各七

橘紅

旋覆花

千金方無旋覆花有細辛紫蘇

人參

芍藥

川芎

桔梗

甘草

各半兩

右咬咀每服五錢姜七片水煎空心兼服茯苓丸 若有客熱煩渴口瘡去橘紅細辛加前胡知母七錢半

若腹冷下利去地黃加炒桂心半兩 若胃中虛熱大

便秘小便赤澀加大黃七錢半去地黃加黃芩二錢五

分

寒疾

茯苓丸治妊娠阻病心中煩悶吐痰眩暈先服半夏茯苓

湯兩劑後服此藥

赤茯苓

人參

桂心

乾姜

半夏

湯泡七次炒黃橘皮

白木

葛根

甘草

枳殼

各兩

右為細末煉蜜丸如桐子大每服五十九米飲下日三

服一方加麥門冬肘後加五味子

妊娠嘔吐不止者乾姜人參半夏丸主之

乾姜

人參

半夏

右三味末之以生姜汁糊丸如桐子大飲服十九日三

服大立方論半夏動胎而不用今仲景豈獨不知此而

云有故無

治惡阻吐清水甚者十餘日粥漿不入者

白朮兩

人參兩

丁香二錢

甘草錢

右為細末每服二錢水一鍾姜五片煎至七分溫服

歸原散治妊娠惡阻嘔吐不止頭痛全不入食服諸藥無

効

人參

甘草

川芎

當歸

芍藥

丁香兩

白茯苓

白朮

陳皮各一兩

枳椇炒

枳殼炒各二錢

半夏洗炒黃

熱痰

右咬咀每服三錢生姜五片東一枚水同煎

人參橘皮湯治阻病嘔吐痰水

人參

橘皮

白朮

麥門冬去心各

甘草三錢

厚朴製

白茯苓各五錢

右為粗末每四錢加淡竹茹彈子大生姜三片水同煎

治妊娠惡阻嘔吐不下食

青竹茹

橘皮略二兩

生姜

茯苓各四兩

半夏五兩

右細切以水六升煮取二升半去查分三服

治妊娠嘔吐不食兼吐痰水

生薑根分七

橘紅分四

生姜分六

檳榔分二

右切以水二盞煎七分空心熱服

治妊娠惡食心中煩憤熱悶嘔吐

青竹茹

麥門冬各三兩

前胡二兩

橘皮兩一

蘆根一握

右切細以水一大升煮半升去查分兩服食前

安胎飲治妊娠惡阻心中憤悶頭重目眩嘔逆不食或胎動不安腰腹疼痛

甘草

茯苓

當歸

熟地

川芎

地榆

白朮

黃芪

白芍藥

半夏泡七次炒

阿膠炒各等分

右以咀每服三錢生姜四片水同煎

肝火

一婦人孕三月吐痰水并飲食每日寅卯作時覺少腹有氣衝上然後膈滿而吐面赤微躁頭眩臥不起沐四肢疼微渴此肝火挾衝脈之火衝上也一日甚一日輕脈和右寸洪大百藥不効者將二月予男病偶用沉香磨水化

抱龍丸一服膈寬氣不上衝二三服吐止眩減食進而安  
又應氏婦得胎七月嘈雜吐食脈維心下滿寒氣攻背兩  
肘皆痛要人不住手以熱物摩臑得吐稍疎脈洪大

黃芩二錢 黃連一錢 白木半夏各二

甘草炙 縮砂各五分 陳皮 當歸

山梔 枳殼炒 香附 人參

蒼朮錢一 茯苓半錢 生姜七片

服二貼後嘈雜吐止心滿塞退但於夜間背肘痛用摩  
熨遂與抱龍丸化服其疾如失

**一**婦人年近三十懷孕兩月病嘔吐頭眩自覺不可禁  
持以人參白朮川芎等分以茯苓等藥服五七日愈覺沉重  
召予脈之兩手弦急而且弱予曰此是惡阻病必怒  
氣所激問之果然肝氣既逆又挾胎氣參朮之補大非所

宜教以時用茯苓湯下抑青丸二十四粒五貼目覺稍安  
診其脈略有數狀自言口乾苦稍食粥則口酸子意其爲  
膈間滯氣未盡行教全以川芎陳皮山梔茯苓生姜煎湯  
下抑青丸十五粒十餘貼餘証皆平但食及常時之半食  
後覺口酸不食覺易飢子謂肝熱未平則以白湯下抑青  
丸二十粒二十日而安予又脈之見其兩手脈雖和平而  
左手弱甚此胎必墮此時肝氣既平參朮可用矣遂用始  
初參朮等藥補之預防墮胎以後之虛服之一月胎自墮  
却得平穩無事抑青丸一味黃連爲丸是也

妊娠經來

陽微陰滑故今  
婦人經月下但爲微少師脈之反言有軀其後審然其  
脈何類何以別之師曰寸口脈陰陽俱平榮衛調和按之  
滑浮之則輕陽明少陰各如經法身反灑浙不欲食飲頭

痛心亂嘔噦欲吐呼則微數吸則不驚陽多氣溢陰滑氣盛滑則多實六經養成所以月見陰見陽精汁凝胞散散者損墮設復陽盛雙妊二胎今陽不足故令激經也有餘令經又少故知孕也

胎漏下血

大法

**胎漏**因氣虛 因血虛 因血熱

虛

**仲師**曰婦人有漏下者有半產後因續下血都不絕者有妊娠下血者假令妊娠腹中痛為胞阻芎歸膠艾湯主之

方見血崩

**治胎動下血**心腹疼死生不知服此湯活即安死即下

此即催生佛手散方見跌撲傷胎謂婦人 娠無故卒下血不止取阿膠三兩炙搗末酒一升半煎令消一

服愈

羅立聖散治妊娠下血不止鷄肝三個用酒一升煮熟共食之大効

保治胎漏二黃散生地熟地等分到水三盞煎半乾去渣服

總治胎下血阿膠二兩搗末生地半斤搗取汁以清酒三升絞汁分三服

大治胎漏下血不止胞乾即死宜急治之

生地汁升一 陳酒合五

右同煎三五沸溫三服以止為度

保治婦人胎漏下血及因事下血枳殼湯

枳殼 黃芩各半兩 白朮兩一

右粗末每七錢水一盞煎七分食前服

婦人年二十餘三個月孕發瘧疾後淡血水下腹滿口

血熱

虛熱

渴

白芍

白朮

茯苓錢一

黃芩

歸尾

川芎

陳皮分五

東陽婦人三十五歲孕八九個月漏胎不止胎比前時稍覺收小血色微紫有塊食減平時三之一腹微疼無情緒

人參

白朮炒

白芍錢一

陳皮

川芎

茯苓

縮砂

大腹皮分三

木連藤葉七

同煎食前下三聖丸五十粒

血 癥病破

婦人宿有癥病經斷來及三月而得漏下不止胎動在

臍上者為癥痼害妊娠六月動者前三月經水利時胎下

血者後斷三月衄也所以血不止者其癥不去故也當下

其癥桂枝茯苓丸主之凡胎動多在當臍今動在臍上故知是癥也

桂枝

茯苓

牡丹心

桃仁去皮

芍藥各等分

右五味末之煉蜜丸如兔屎大每日食前服一九不知加至三九

**治胎下血不止取桃樹上乾不落莢子燒灰和水服瘥**

本草云莢奴破血又治伏梁積氣

胎漏黃汁下或如荳汁

氣虛

**治妊娠忽然下黃汁如膠或如荳汁胎動腹痛**

粳米升

黃芪兩

右以水七升煎取二升分為四服

血虛

**銀苧酒治妊娠下黃汁或如赤荳汁**

苧根去黑皮切銀斤一

右水九升煎取四升每服入酒半升或一升煎分二次

診

虛

胎常服

服

婦人懷軀六月七月暴下斗餘水其胎必倚而墮此非

時孤漿預下故也

胎漏餘餘下水合漿下而多故知墮胎也

胎動不安

妊娠胎動不安者由衝任經虛受胎不實也亦有飲酒房室過度損動不安者有悞擊觸而胎動者有喜怒氣字不舒傷於心肝觸動血脈者有信醫宜服煖補反為藥所害者有因母病而胎動者但治母病其胎自安有胎不堅固動及母疾但當安胎其毋自愈

永固孕丸

地黃

川芎

黃芩各五

歸身尾

人參

白芍

陳皮各一

白朮半錢

甘草錢三

黃柏些

桑上羊食藤七葉圓者

糯米十四粒

右吹咀煎服

**宜常服當歸散主之**

當歸

黃芩

芍藥

芩藎各一兩

白米半斤

右五味杵為散酒飲服方寸七日再服妊娠常服即易

產胎無苦疾產後百病悉主之

妊娠養胎白朮散主之

白朮

芩藎各四錢

蜀椒三錢

牡蠣二兩

右四味杵為散酒服一錢七日三服夜一服但苦痛加

芍藥心下毒痛倍加芩藎心煩痛吐不能飲食加細辛

一兩半夏大者二十枚服後若嘔以醋醬水服之後不

解者小麥汁飲之已後渴者大麥粥服之病雖愈服之

勿置

胎動不安宜請

**用**胎動不安取苧根如足大指者一尺咬咀以水五升煮

陰行滯

取三升去查服一方有生薑五片。丹溪云苧根大能補血而行滯血

**大**銀苧酒

方見前胎漏餘

治胎動不安好銀煮水着葱白作羹食之佳

或動或痛者安之

治妊娠二三月上至八九個月胎動不安腹痛已有所下方

艾葉

阿膠炒

當歸

川芎

各三兩

甘草兩一

右細切以水八升煮取三升去查內膠令烊分三服日

三

**立効散**治婦人胎動不安如重物所墜冷如冰即佛手散方見

門脈

大縮砂散治胎動不安墮在須臾者神効方見毒物傳胎

胎上逼心

瀉心滿  
因者下  
紫蘇飲治妊娠胎氣不和懷胎近上脹滿疼痛謂之子  
氣通陽懸兼治臨產驚恐氣結連日不下

紫蘇莖葉兩大腹皮 人參 川芎

陳皮 白芍各半 當歸三 甘草分

右細剉分作三服每服用水一盞半生姜四片葱白七寸煎至七分去渣空心服

曾有累日婦人產不下服遍催生藥不驗予曰此必坐草太早心懷下一點懼氣結而不行然非不順也素問云恐則氣下蓋恐則精神怯怯則上焦閉閉則氣還還則下焦脹氣乃不行矣得此藥一服便產及婦人六七月子懸者予用此數數有驗不十服胎便近下 陳良甫云治一婦

有孕七個月遠歸忽然胎上衝心而痛坐臥不安兩醫治之無效遂說胎已死矣用葶麻子研爛加麝香調貼臍中以下之命在垂亡召陳診視兩尺脈絕他脈平和陳問二醫作何証治之答曰死胎也陳曰何以知之兩尺脈沉絕以此知之陳曰此說出在何經二醫無答陳曰此子懸也若是胎死却有辨處面赤舌青子死毋活面青舌赤吐沫母死子活唇口俱青母子俱死今面不赤口不青其子未死是胎上逼心宜以紫蘇飲子治之至十服而胎遂下矣

**治胎上逼心煩悶方**并治胎動困篤用葱白二七莖濃煮汁飲之若胎未死即安已死即出未効再服此方神妙宜之本草云慈白通腸氣安胎

通心丹

胎動上迫心痛取艾葉如鷄子大以頭醋四升煎取

二升分溫服 治胎上逼心熱瀉下血神麴半斤搗碎和

中

熟水絞取汁三鍾無時溫服止

道身痛  
衝心者

治妊娠遍身痛或衝心欲死不能飲食

白朮

五兩

黃芩

二兩

芍藥

四兩

右水六升煮取二升半分作三服緣胎有水致痛兼易產

跌撲傷胎毒藥傷胎

跌撲傷  
首逐汚

佛手散治婦人妊娠六七月因事築磕着胎或子死腹

卷新

中惡露下疼痛不已口噤不絕用此藥探之若不損則痛

止子母俱安若胎損立便逐下又治血上衝心腹滿悶者

如湯沃雪此藥催生神効

方見眩即當歸川芎  
等分為散口噤難之

治胎忽因倒地舉動擊重促損腹中不安子死以川芎

末酒服方寸匕須臾二三服出

治妊娠從高墜下腹中下血煩悶

生地 益母草各一兩 當歸 黃芪各半兩

右咬咀每服四錢水一盞姜四片煎至六分去渣無時服

**四** 婦人因閃挫傷胎肚疼血崩

歸尾 陳皮 白朮 人參

茯苓 白芍 川芎各三錢 甘草五分

右分四貼水三盞煎取一盞下縮砂末一錢五分五寶脂一錢

**大** 治婦人服草藥胎墮腹痛用白鹽壹少許去皮為末米飲調服方寸匕或濃煎亦可

阿膠散治妊娠或因傾仆或因毒藥胎動不安腰痛腹滿或有所下或胎上搶心短氣

熟地二兩 白芍 艾葉 當歸

甘草

阿膠

黃芪

各一

一方有川芎

右咬咀每服半兩姜三片棗一枚同煎溫服無時

細不可

治妊娠偶有所傷胎動不安痛不可忍縮砂不以多少

命將

和皮炒黑色一方用仁置熨斗內略炒為細末熱酒調下

砂酒桂

二錢不飲酒者米飲調下覺腹中熱則胎已安矣此方極

効

奪命丸治婦人小產下血子死腹中其人憎寒手指唇口

爪甲青白面色黃黑胎上搶心則悶絕欲死冷汗自出或

食惡物或悞服草藥傷動胎氣下血不止胎尚未損服之

可安已死服之可下若胎腐爛腹中危甚者立可取出此

方的係異人傳授至妙此即仲景茯苓桂枝丸但用淡醋

枝苑仁赤芍藥等分

是也丹溪亦於此  
娠病可下胎斷胎

下胎方

**大**治妊娠母因疾病胎不能安可下之取七月七日法麩

四兩水二大盞煎取一盞三分綿濾去渣分溫三服立下

又方大麩五升清酒一斗煮二沸去渣分五貼隔宿勿

食但再服其子如糜母無疾苦千金不傳妙又方麥蘖一升

為末和水煮二升服之即下神効 又方附子二枚為末

以淳苦酒和塗右足去之大良 又方取鷄子一枚以三

指撮搗放鷄子中服之立出

斷產方

**大**斷子法

用白麩麩一升無灰酒五升打作糊煮二升半用絹帛

濾去渣作三服候前月經將來日晚下吃一服次日五

更吃一服天明吃一服月經即行終身絕子

**大**斷產驗方故忝昏方圓一尺燒為末酒飲調服終身不

復懷孕 又方油煎水銀空心服如棗核大一丸永斷不

損人

胎自墮

虛熱

陽施陰化胎孕乃成血氣虛損不足營養其胎自墮或  
 勞怒傷情內火便動亦能墮胎推原其本皆因於熱火能  
 消物造化自然病原乃謂風冷傷於子藏而墮此未得病  
 情者也予見賈氏婦但有孕至三月左右必墮診其脈左  
 手大而無力重取則滿知其血少也以其妙年只補中氣  
 使血自榮時正夏初教以濃煎白朮湯下黃芩末一錢服  
 三四十貼遂得保全其生因而思之墮因內熱而虛者於  
 理為多曰熱曰虛當分輕重蓋孕至三月正屬相火所以  
 易墮不然何以黃芩熟艾阿膠等為安胎妙藥耶好生之  
 工幸無輕視

虛寒

大治姙娠懷胎數落而不結實

甘草

黃芪

人參

白朮

川芎

熟地

吳茱萸各等分

右為末空心溫酒調二錢忌蒜菜麩李雀肉醋物按丹

皆虛熱而無寒者今姑存此一方以候施之於千百而一者也

滯氣

醋附丸治數墮胎方見血崩

針灸

妊子不成時墮胎後漏下五色痰痛灸胞門關門左邊二寸名胞

門右邊二寸名子宮

十月未足欲產過期不產

先期發產者

婦人懷胎有七月八月而產者有至九月十月而產者

血安胎

有經一年二年乃至四年而後產者各依後法治

知母丸治十月未足而痛如欲產兼治產難及子煩用知

母一味為細末煉蜜丸如鷄豆大溫酒嚼下日三服丸如

桐子大飲下二十九

治妊娠月數未足而似欲產腹痛者

槐子

蒲黃等分

右為末蜜丸如桐子大溫酒下二十九以痛止為度

又方蒲黃如麥核大篩過以井花水調服

日月未足而欲產者搗葛蒲根汁一二升灌喉中本草云葛

蒲治胎動不安下血

治婦過月不產方

四物湯

香附

芫仁

枳殼

縮砂

紫蘇

水煎服即生

難產縮胎法

虛實

世之難產者往往見於鬱悶安佚之人富貴蒸養之家

若貧賤辛苦者無有也古方書止有瘦胎飲一論而其方

為湖陽公主作也實非極至之言何者見其有用此方者

過期不  
產者  
血行滯

其難自若予表妹苦於難產後遇胎孕則觸而去之予甚憫焉視其形惟勤於針指構思旬日忽自悟曰此正與湖陽公主相反彼奉養之人其氣必實耗其氣使平和故易產今形肥知其氣虛久坐知其不運必氣愈弱兒在胞胎因母氣不能自運耳當補其母之氣則兒健易產矣令其有孕至五六個月來告遂于大千方紫蘇飲加補氣藥與數十貼因得男而其快後遂以此方隨母形色性稟參時令加減與之無不應者因名其方曰達生散

氣虛者  
補氣行  
縮胎飲即達生散

大腹皮三錢

人參

陳皮

紫蘇葉各五

分

歸身尾

白芍

白朮各一錢

甘草二錢

黃楊樹腦七個或加枳殼縮砂青葱五葉

右作一貼吞下益母丸臨月得二十服易生產後無病

按丹溪云難產死胎此血氣滯病也蓋此方補中行滯

春加川芎 氣虛倍參朮 氣實倍香附陳皮 血

虛加當歸地黃 形實倍紫蘇 性急加黃連 熱急

加黃芩 濕痰加煨石半夏 食積加山楂 食後易

饑加黃楊腦 腹痛加水香官桂黃芩 冬不用芩

黑神丸 一名龍生丸 一名益母丸 用益母草研末粥丸治婦人臨月

一日三次服之用縮砂飲送下能催生易產產後服能生

新血去舊血只以白湯送下虛者煎白朮入參陳皮湯送

縮胎丸八九個月用之

氣實者  
壯氣抑

黃芩 夏一兩秋七錢冬半兩炒 白朮 二兩 茯苓 七錢

陳皮 兩三

右末粥丸桐子大

又方候九個月用之

黃芩

一兩宜熱藥不宜涼藥性人咸半

枳殼

炒七錢半

滑石

七錢五分臨月十日煎小使多將加此一味

白木

兩

右為末粥丸如桐子大每服三十九空心熱湯下

**保**

束胎丸

白木

枳殼

各等分

右燒餅為丸桐子大八月一日食前五十九水下服之

至產已

**本**

滑胎枳殼散

枳殼

甘草

各二兩

右為細末每服二錢百沸湯點服空心食前日三服凡

懷孕六七月以上即服令兒易生初生胎少黑一百日

肉漸變白此孫真人滑胎易產方抑陽降氣為衆方之

冠也

妊娠治衝任脈虛補血安胎內補丸

熟地

二兩

當歸

一兩

右細末煉蜜丸桐子大每服三四丸溫酒下上三方  
諸集皆載在人用之如何耳大率婦人妊娠唯在抑陽  
助陰素問云陰搏陽別謂之有子蓋關前為陽關後為  
陰尺中之脈搏之搏手不絕者任身也婦人平居陽氣  
微盛無害及其妊子則方閉經隧以養胎若陽氣盛搏  
之則經脈妄行胎乃不固素問所謂陰虛陽搏謂之崩  
也抑陽助陰之方甚多然胎前藥唯惡羣隊若陰陽交  
雜別生他病唯是枳殼散所以抑陽四物湯所以助陰  
故爾枳殼散差寒若早服之恐有胎寒腹痛之疾以內  
補丸佐之則陽不至強陰不至弱陰陽調勻有益胎孕  
此前人未常論及

雜方

**本**榆白皮焙乾為末婦人妊娠臨月日三服方寸七令產

極易產下兒身皆塗之信有驗

臨產坐草法

**脈訣**欲產之婦脈離經沉細而滑也同名夜半覺時應分

誕來辰日午定知生難經云脈一呼三至日難經一呼一

經夜半竟日身重躰熱寒又頻舌下之脈黑復青及舌

上冷子當死腹中須遣母歸面赤舌青細尋看母活子

死定難應唇舌俱青沫又出子母俱死總高拚面青舌赤

沫出頻毋死子活定知真不信若能看應驗尋之賢哲不

虛陳

正產候

**因十產論**○一曰正產者婦人懷胎十月滿足忽腰腹作

陣疼痛相次胎氣頓陷至於臍腹痛極乃至腰間重痛穀

道挺逆繼之漿破血出兒子送生此名正產

本正產

二曰傷產者婦人懷胎未產一月已前忽然臍腹痛疼有

如欲產仍却無事是名試月非正產也但一試產則夫  
正產之候即不可令人抱腰亦不可令產母妄亂用力  
兒身未順纔方轉動便教產母虛亂用力使兒子錯落忽  
橫忽倒不能正生皆緣產母用力於未當用力之所致也  
直待兒子身順臨逼門戶方始用力一送令兒下生此名  
傷產

右傷產一法最為切要慎勿輕忽也凡十月未足臨產  
腹痛或作或止或痛不甚者名曰弄痛非正產之候或  
腹雖痛甚而腰不甚者非正產之候胎高未陷下者非  
正產之候穀道未挺逆者非正產之候水漿未破血未  
出者非正產之候漿血雖出而腹不痛者非正產之候  
凡未有正產候且令扶行熱忍如行不得或凭物坐之  
或安臥之或服安胎藥一二服得安即止慎勿妄服催

生藥餌愴惶至今產母憂悲而挫其志務要產母寬心  
存養調停亦令坐婆先說解諭之如覺心中煩悶可取  
白蜜一匙新汲水調下切勿妄亂用力先困其母直待  
子逼門戶腰重痛極眼中如火穀道挺進時是正產候  
方可用力并服催生藥也予男婦於未產一月已前腰  
腹俱痛全似將產其痛至甚但遇已牌稍止如此者將  
十餘日計無所出因閱此條遂與安胎藥加參朮數服  
間與中藥養之由是平復不痛又二十餘日始產一男  
是時若妄動亂用力并服催生等藥立見危亡矣

見正產  
候宜催

三曰催產者若欲產漿破血下已見是正產候但却未  
生即可服催生以催之忽有經及數日產母困苦亦可  
服藥助產母之正氣令兒速生此名催生

冬產宜  
常溫類

四曰凍產者冬月天冷產母經血得冷則凝以至兒子不

夏產宜  
適溫涼

能生下此害最深若冬月產者下部不可脫去綿衣并不  
可坐臥寒處當滿房着火常有煖氣令產母背身向火令  
臍下腿膝間常煖血得熱則流散使兒易生此名凍產

五曰熱產者盛夏之月產婦要溫涼得所不可恣意取涼  
傷損胎氣亦不可人多熱氣逼襲產母使產母血沸而有  
發熱頭痛面赤昏昏如醉乃至不知人事此名熱產

正  
橫產宜

六月橫產者兒先露手或先露臂此由產母未當用力而  
用之過也兒身未順用力一逼遂至身橫不能生下當令  
產母安然仰臥後令看生之人先推其手令入直上漸漸  
通身以中指歷其肩推上而正之或以指攀其耳而正之  
須是產母仰臥然後推兒徐徐正之候其身正煎催生藥  
一盞吃了方可用力令兒下生此名橫產

順  
倒產宜

七曰倒產者產母胎氣不足關鍵不牢用力太早致令兒

子不能廻轉便直下先露其足當令產母仰臥令看生之人推其足入去不可令產母用分毫力亦不得驚恐使兒自順云

正偏產宜

八曰偏產者兒身未正產母用力一逼致令兒頭偏柱左腿或偏柱右腿故頭雖露偏柱一畔不能生下當令產母仰臥令看生之人輕輕推兒近上以手正其頭令兒頭頂端正然後令產母用力一送即便生下若是小兒頭後骨偏柱穀道只露其額當令看生之人以綿衣灸溫裹手於穀道外方輕輕推兒頭令正便令產母用力送兒生也此名偏產

疑產宜

九曰礙產者兒身已順而露正頂不能生下蓋因兒身回轉肚帶攀其肩以此露正頂而不能生當令產母仰臥令看生之人輕輕推兒近上徐徐引手以中指按兒肩下撥其

肚帶仍須候兒身正順方令產母用力一送使兒生下此  
名礙產

右橫產倒產偏產礙產四法若看生之人非精良妙手  
不可依用此法恐恣其愚以傷人命也按倒產者今世  
往往隨其倒足生下並無後患子母雙全不必依推足  
上之法亦可又礙產者往往肚帶有繩在兒頂上而兒  
頭自出在產門外看生之人以手撥其肚帶從兒頭頂  
過而下之者又有肚帶纏在頂上一匝而兒與胞衣自  
然同下者皆無妨不必以此礙產法入產門裏撥下之  
也

坐產法

十曰坐產者言欲臨產時高處繫一手巾令產母以手攀  
之輕輕屈足坐身令兒生下非坐在物上也此名坐產

十一曰盤腸產者趙都運恭人每產則大腸先出然後產

盤腸產  
宜要宜

子產後其腸不收甚以為苦名曰盤腸產醫不能療偶在  
建昌得一坐婆施一法而收之其法以醋半盞新汲冷水  
七分調停喫產母面每喫一縮三喫收盡此良法也

**產後腸不收香油五斤煎熱盛盆俟溫坐油盆中約一  
頓食時以皂角末吹入鼻中噤作立上妙門**

**大半夏為末插鼻中則腸上矣 又方以大紙捲蘸香油  
點燈吹滅以烟薰產母鼻中腸即上矣 又方以草麻子  
十四粒去殼研如膏貼產母頭頂中心腸上即減去**

催生法

禁忌

**大凡生產自有時候未見時候切不可強服催生滑胎  
等藥或勢不得已則服之又云切不可坐草及令坐婆亂**

**下手** 凡催生藥必候腰痠其  
胎隔下紫血破方可服

**四 催生只用佛手散最穩當又効捷** 方見婦人通  
論即芎歸湯

滑以統  
通海

催生如聖散黃芩子小半合一方二錢重研爛以酒濾  
去渣溫服神妙或漏血胎乾難產痛極者并進三服良久  
腹中氣寬胎滑即產須見正產候方可服之歌曰黃芩子  
炒七十粒 細研酒調濟君急 若遇臨危產難時 免  
得全家俱哭泣

又方以香油白蜜小便和勻各半盞調益母草木服  
一方止用油蜜小便能下難產

秘錄治橫產不得出車前子末酒服二錢匕

苦以墜  
逐閉塞

催生柞木飲子治產難或橫或倒死胎爛服腹中此方  
屢用神效

大柞木枝

大握長一尺  
洗淨寸剉生用

甘草

大者五寸  
剉作五段

右用新汲水三升半同入新磁瓶內以紙三重緊封之  
文武火煎至一升半令香候產婦腰重痛欲坐草時溫

飲一小盞腰痛未重便覺心下開豁如覺再渴又飲一盞

至三四盞覺下重便生此方至驗

**治難產礙胎在腹中如已見兒胎衣不出胎死者**燕燕

子貝母各四兩為末米飲下一匙如相去四五里許不下

再服

香以開  
炭逐汚  
血

又方通明乳香一塊如皂角子大為末腰痛時用新汲水

一小盞入醋少許同煎令產母兩手捉兩石燕坐婆調藥

飲水須臾坐草便生無痛楚神良 又方開骨膏乳香研

細五月五日午時滴水丸如鷄頭大每服一粒無灰酒吞

下 又方催生神効乳珠丹乳香研細以猪心血為丸如

桐子大硃砂為衣晒乾每服一粒冷酒化下良久未下再

服一粒如大段難產以蓮葉心蒂七個水二盞煎至一盞

放溫化下一粒良久未下亦可再服此藥靈驗如神合藥

時五月五日午時七月七日三月三日効 又方乳香硃砂等分爲細末麝香酒調下 又方腰疼可服乳香人參各一錢辰砂半錢同研細用鷄子清一個調之生姜自然汁放開冷服如橫生倒生即時端順子母平善

**大勝金散**問曰產難若何答曰胎側有成形塊爲兒枕子欲生時枕破與敗血裹其子故難產但服此藥逐其敗血即自生逆生橫生並治之

麝香一錢

鹽豉一兩以青布裹

右爲末取秤鍾燒紅以酒焯之調下一錢

催生丹治產婦生理不順產育艱難或橫或逆並皆治之

十二月兔腦髓

去皮膜如泥

乳香二錢極細

母丁香末

麝香一錢研

右三味拌勻以兔腦髓和丸如鷄頭大陰乾油帛裹每

服一丸溫水下即產兒握藥出

勝金丹治難產神妙敗兔毫筆頭一枚燒為灰研細搗生藕汁一盞下之立產若產母虛弱及素有冷疾者恐藕冷動氣即於銀器內重湯煖過後服

氣滯者行氣

**回**主難產搗益母草取汁七大合煎半頓服立下無新者以乾者一大握水七合煎服

**回**易產天麻丸 天麻即益母草六月間帶根採曬乾

右為末不拘多少煉蜜丸如龍眼大臨產時熱水嚙化

一九能除產後百病

難產 縮砂 香附醋炒 枳殼 甘草

滑石

右為末白湯調服

催生蒲黃地龍陳皮等分地龍洗去土於新瓦上焙令微

黃各為末臍足心三處貼如經日不產各抄一錢七新水調服立產此常觀用甚妙

大催生神効七聖散臨產腰痛方用之

玄胡索 沒藥 白礬 白芷

姜黃 當歸 桂心

右為細末臨產陣痛時燒犁頭鐵通赤燂酒調三錢服

一二盃立產

難產吞槐子十四枚逆產燒銅錢通紅放酒中飲之

胞漿先破液固者固血

治胞漿先破惡水來多胎乾不得下時須先與四物湯

補養血氣次更煎濃葱湯放冷令坐婆洗產戶須是款曲

洗令氣上下通暢更用酥調滑石末塗產戶裡次服神妙

乳珠丹或葵子如聖散二方見前

催生如聖散治逆產橫生瘦胎

百草霜

香白芷

不見火為末

右二味等分研勻每服二大錢於臨產時以童子小便

并少米醋打為膏沸湯調下集驗方用酒童便各半蓋

同煎經沸即熱服不過再服并法用芫蠅湯調血血得

得乾

又方治橫倒生者

明阿膠

滑石末

各一兩 葵子

右水一盞半煎至一盞去渣分二服

治難產五六日不得分娩者疲困虛乏光明水膠二兩用

好酒一升半微火焙膠入新鷄子一個搗一錢七攪温令

產母坐椅上伸腰大口作二次服覺小便重便生緣坐草

早驚動故也

戒汚血

半夏湯治胎乾而不能產

外取方

如聖膏治難產併治胞衣不下兼治死胎

半夏麵半一兩 大黃錢五 肉桂半七錢 菝仁三十個微炒  
 右為粗末先服四物湯一二服次服半夏湯生姜三片  
 水煎服 又方當歸為末調方寸匕酒服之

葶麻子七粒去殼細研成膏塗脚心胞即下速洗去

不洗腸出却用此膏塗頂上腸自縮入一方葶麻子百粒雄黃一

錢細研用如上法塗之

催生萬金不傳遇仙丹

葶麻子十四粒去殼

硃砂

雄黃各一錢半

蛇蛻一尺燒

右為末漿水攪和丸如彈子大臨產時先用椒湯淋滌  
 臍下次安藥一丸於臍中用蠟紙數重覆上以潤帛繫  
 之須生下急取去藥一丸可用三次一方葶麻子三粒

**世**三麻四莖脫衣裳研碎將來入麝香若有婦人遭產難貼在臍中兩分張用麻子三粒巴莖四粒法流入射研細點在臍中

治產危者立聖丹寒水石四兩內二兩生二兩煨赤取

出同生者研細入硃砂同研如深菝花色每用三分井花

水調如薄糊用紙花剪如杏葉大攤用貼臍心候乾再易

不過三上便產橫逆惡候死胎不下並治神驗寒水石非

方解石也即今人謂軟石膏也此方國初異人傳之妙

**圖經**催生令產婦兩手各握石燕一枚須臾子下

救產難經日不生雲母粉半兩溫酒調服入口即產萬不

失陸氏云已救三五百人効治橫逆產理不順用伏龍肝細研每

服一錢酒調服之以土着兒頭上戴出妙

**世**如神散治催生累効靈妙於理固難通於事實殊効臨

產時令人路上尋草鞋一隻取耳燒灰溫酒調下三錢七

雜方

針灸

得左足者生男右足者生女覆者兒死側者有驚此藥委是神奇用此送下催生丸尤妙

婦人將產預先胎破惡水長流坐草早無血可養枯竭

獨陰 五分在足小指第三節間 承陰 一寸五分

催生難產及死胎 太衝 八分補 合谷 補 三陰交

五分鐘立 足小指節 三壯心 產子上衝通心 巨

關 令正坐用抱頭抱腰線針入六分留七呼得氣即濕

是向後梳骨有痕 合谷 三分留三 三陰交 五分為

張仲文 橫產難產 右腳小指尖頭 灸三壯

又法 獨陰 同上法取灸 合谷 補 三陰交 為

難產 三陰交

下死胎法

寒者熱以行之 下死胎法方用桂枝二錢麝香當門子一個同研煖酒

熱者寒以行之

服須臾如手推下比之用水銀等此藥不損血氣趙和叔傳一方無麝香單用桂末一錢痛時童便調下名救苦散

鄧知縣傳療死胎不出朴硝研細半兩以童便溫服下屛効 治死胎不下指甲青舌青脹悶口中作屎臭先以平胃散一貼作兩服每服酒水各一盞煎至一盞却投朴硝半兩研細再煎三五沸溫服其胎化血水下 治子死腹中不出其母氣欲絕水銀二兩吞之立効

**本** 治子死腹中不用辰砂一兩以水煮數沸末之然後取酒服之立出

藥者滑以潤之

**外** 療子死腹中真珠二兩為末酒調服盡立出

**藥** 治妊娠三五個月胎死在腹中不出

大腹子

赤芍藥

榆白皮

各三兩歸一兩

滑石末

瞿麥

葵子

茯苓

粉草

黃芩

各半

右為粗末每服四錢水煎

**干**小兒死腹中葵子末酒服方寸匕若口噤不開格口灌之藥下即活 療妊娠胎死腹中或母疾欲下胎榆白皮煮汁服二升

**天**治子死腹中或半生不下或半着脊骨在草不產血氣上盈母心面無顏色氣欲絕

猪脂升

白蜜升

淳酒升

右三味合煎取二升分温二服不能飲隨所能服之

**世**治生產不順胎死腹中胞衣不下臨產危急妙

蛇退

一條全者香油灯上燒研

麝香少

右為末童便酒各半蓋調一服即生効

**楊氏**療有孕月數未足子死腹中母欲悶絕取大豈三升

雜方

醋煮濃汁三升頓服立瘥

**木** 治妊娠熱病胎死腹中鹿角屑一兩水一盞葱五莖豈豉半合同煎至六分去渣溫分二服

**犬** 取死胎烏鷄一隻去尾細剉以水三升煮取二升去鷄通手用衣帛蘸摩臍下胎自出

產後症 胞衣不下 血暈 血不下

血不止 虛弱 無乳 乳汁自出

陰脫 血塊痛見腹門

產後必用方

**大** 凡生產畢令飲童便一盞不得便卧且宜閉目而坐須臾上床仰卧不宜側卧宜豎膝未可伸足高倚床頭厚鋪茵褥遮圍四壁使無孔隙免致賊風兼時時令人以物從心捍至臍使惡露不滯更三日內令產婦常聞醋炭氣或燒乾漆烟若無乾漆以舊漆器燒之以防血暈不問腹痛

不痛有病無病以童便和酒半盞溫服五七服妙陳藏器云清酒

汁與產婦服之將苧麻與產婦枕之  
止血暈產婦腹痛以苧安腹上則止

**丹** 產後當大補血氣為先雖有雜症以末治之

熱多事  
每清之

**地黃丸** 治產後腹痛眼見黑花或發狂如見鬼狀或胎

衣不下失音不語心胃脹滿水穀不化口乾煩渴寒熱往

來口内生瘡咽喉腫毒心中忪悸夜不得睡產後中風角

弓反張面赤牙關緊急或崩中如脉肝臍腹痛煩躁恍

惚四肢腫滿及受胎不穩唇口指甲青黑

生地 研取汁 留查 生姜 各二斤研 取汁留查

蒲黃

當歸 各四兩

右於銀石器內取生地黃汁炒生姜滓以生姜汁炒地

黃查各令乾四味同焙研為細末醋煮麩糊為丸如彈

子大每服一九食前當歸酒化下神妙一方只用生姜

生地無蒲黃當歸依交加法制之爲末每服三錢溫酒調下

**加**黑神丸產後服之能生新血去舊血用白湯送下虛者

參朮陳皮湯送下方見催生門益母膏治產婦一切傷損一

切血病方見請經門

**太**凡婦人因暑月產乳取涼大多得風冷腹中積聚百病  
兢起迄至於死百方不差桃仁煎主之出產後服之

桃仁一千二百枚去皮尖及以仁熬冷黃色

右一味搗令極細熟以上等酒一斗五升研三四遍如  
作麥粥法以極細爲佳納小長項瓦釜中密塞以糊封  
之納湯中煮一伏時不停火亦不令火猛使瓶口常出  
在湯上勿令沒之熟訖溫酒服一合日再服

寒多者且濕之黑神散治婦人產後惡露不盡胞衣不下攻衝心腹痞滿

或臍腹堅脹撮痛及血暈神昏眼黑口噤產後瘀血諸疾

熟地

蒲黃炒

當歸

乾姜泡

桂心

芍藥

甘草各四兩

黑荳炒去皮

右為細末每服二錢酒半盞重便半盞同煎調服

右黑神散寒多及秋冬者宜之若性急形瘦及夏月宜

審之

甚意

**丹**胎前母滯 產後母虛 產後一切皆不可發表 產

後不可用芍藥以酸寒伐生發之氣故也

**大**不可吃物過多恐成積滯若未滿月不宜多語喜笑驚

恐憂惶哭泣思慮急怒強起離床坐久行動或作針工恣

食生冷粘硬油膩魚肉之物及不避風寒當時未覺滿月

之後即成羸勞凡產後滿百日乃可交合不爾至死虛羸

百病滋長慎之凡婦人患風氣臍下虛冷莫不由早行房

也

**問**或曰初產之婦好血已虧汚血或留彼黑神散非要藥乎荅曰至哉乾元萬物資生理之常也初產之婦好血未必虧汚血未必積藏府未必寒何以藥爲飲食起居勤加調護何病之有誠有汚血體怯而寒與之數貼亦自簡便或有他病當求病起何因病在何經氣病治氣血病治血何用海制此方例令服餌設有性急者形瘦者本有怒火者夏月坐蓐者時有火令姜桂皆爲禁藥至于將護之法尤爲悖理肉汁發陰經之火易成內傷之病也先哲具有訓戒胡爲以羊鷄濃汁作糜而又常服當歸丸當歸建中湯四順理中丸雖是補劑並是偏熱臟腑無寒何處消受若夫兒之初生母腹頓寬便咳鷄子且吃夥盞不思鷄子難化夥盞發熱展轉生証不知所困率爾用藥寧不悞人

予每見產婦之無疾者必教之以却去黑神散與夫雞子  
 夥鹽諸品肉食且與白粥將理間以此些少養魚煮令淡食  
 之半月後方與少肉若鷄子亦須器開淡煮大能養胃却  
 疾彼富貴之家驕恣之婦卒有白帶頭風氣痛膈滿痰逆  
 口乾經事不調髮禿躄倦皆是陽盛陰虛之病天生血氣  
 本自和平口勝曰虛又烏知非此等繆迷有以兆之耶  
 診婦人生產之後寸口脈洪疾不調者死沉微附骨不  
 絕者生 診婦人新生乳子脈沉小滑者生實大堅弦急  
 者死

胞衣不下

**奪命丹**治血入胎衣為血脹不得下

附子炮半

牡丹兩

乾漆一分碎之

右為末以醞醋一升大黃末一兩熬成膏和藥丸如桐

子大温酒吞五七丸不拘時此藥逐去胞中之血血散  
脹消胞衣自下矣

花益石散治產後氣欲絕緣敗血不盡血迷血暈惡血奔  
心胎死腹中胎衣不下至死者但心頭髮急以童便調一  
錢取下惡血如猪肝終身無血風血氣疾膈上有血化為  
黃水即吐出或從小便出也方見跌撲傷損黑龍丸治胞衣不  
下神效方見產後血不下黑神散治惡露不快胞衣不下方見產通  
用

牛膝湯治胞衣不出臍腹堅脹急痛即殺人服此藥胞即  
爛下死胎亦下

牛膝

瞿麥各四兩

當歸兩

通草兩

滑石八兩

葵子五兩

右咬咀以水九升煮三升分三服若衣不下腹滿即殺

人推其源皆胞衣有血奔心是以不出服此藥衣即爛出

治胞衣不出牛膝一兩葵子一合以水一升煮半升去渣分二服

**子**備急丹治產後惡血衝心胎衣不下腹中血塊以錦紋大黃一兩為細末用醖醋半升同煎如膏丸如桐子大患者用醋七分盞化五丸至七丸服之須臾血下即愈

**促**治胎衣不下或子死腹中或血衝上昏悶或血暴下及胎乾不能生產半夏湯主之見前催生條

下胎丸 半夏 白欬各半

右細末丸如桐子大食後半夏湯下三十九丸漸加至五十九丸如未効者須廣大其藥榆白皮散主之又不可大聖散主之有宿熱者宜服人參荊芥散

雜方

**六**治胞衣不下惟有花蓋石散一件最為要緊若鄉居藥局遠者倉卒無之今採得胡氏方一妙法若產訖胞衣不下稍久則血流胞中為血所脹上衝心胃喘急疼痛必致危篤若有此証宜急斷臍帶以少物繫帶必用力牢固繫之然後截斷使其子血脈不潮入胞中則胞衣自當痿縮而下縱淹延數日亦不害人只要產母心懷安泰終自下矣累試有驗 治胞衣不下以蛇退炒為細末酒下二錢

如聖膏

方見胎前催生即麻子法

若胞衣不下腹脹則殺人黑

豈一合炒熟入醋一盞煎去豈分三服 胞衣不下取龍內黃土一寸研碎同醋調勻內於臍中續煎甘草湯三四合服之出

**山**胞衣不下用取初洗兒湯服下一盞勿令產母知

**集**胞衣不下

三陰交

中極各瀉

針灸

表

**極也** 又法 照海 內關

**甲** 女子字難若胞不出崑崙主之

產後血暈

**乙** 問曰新產婦人有三病一者病瘧二者病發胃三者大

便難何謂也師曰新產血虛多汗出喜中風故令病瘧亡

血復汗寒多故令鬱冒亡津液胃燥故大便難產婦鬱冒

謂血

**丙** 產後血暈者氣血暴虛未得安靜血隨氣上迷亂心神

故眼前生花極甚者令人悶絕不知人口噤神昏氣冷但

服清魂散即醒

澤蘭葉

人參

各二錢半

荆芥

一兩

川芎

兩

甘草

一兩先方無

右為末用溫酒熱湯各半盞調一錢急灌之下咽即開

眼氣定省人事

**治**產後風虛血暈精神昏昧荆芥散

荆芥一兩 莖仁五錢

右細末温水下三錢微喘加杏仁炒甘草各三錢

**治**產後血暈用荆芥穗為末童便調下二三錢極妙驗

產後血暈身痙直戴眼口角與目外眇向上牽急不知

人取鷄子一枚去殼取清以荆芥末二錢調服遂仍依次

調治若無他疾則不須治甚敏捷

右荆芥例氣虛人不宜服

**下**血多而暈者但昏悶煩亂而已當補血下血少而暈

者乃惡露不下上搶於心心下滿急神昏口噤絕不知人

當破血行血

下血少  
**婦**人產後血暈此乃虛火載血漸漸暈將上來用鹿角

燒灰出火毒研極細用好酒童便調灌下一呷即醒此物行血極効

獨行散治產後血暈昏迷不省衝心悶絕五靈脂半生半炒各二錢為細末温酒調下二錢口噤者幹開口灌之入喉即愈 一方加荆芥等分為末童便調下

治下胎或產後血上衝心已死用礬石燒存性為末二錢醋醋一合調灌之立活

產後血暈心悶氣絕紅花一兩搗為末分作二服酒二鍾煎取一鍾併服如口噤幹開灌之速効 一方用紅花

三兩新者無灰酒童便各半升煮取一盞服之

治血暈蘇木三兩細對水五升煮取二升分再服差無蘇木方取緋衣煮汁服之亦得

產後血暈不知人及狂語麒麟竭二兩細研為末非時

温酒調下二錢七

**紅花散**治產後血昏血暈血崩及月事不勻遠年乾血氣

乾荷葉

牡丹皮

川歸

紅花

蒲黃炒等分

右細末每半兩酒煎和查温服如胎衣不下榆白皮湯

調半兩立効

右破血輕劑

**牡丹散**治產後血暈悶絕口噤則斡開口灌之

牡丹皮

大黃煨

芒硝各一兩

冬瓜子半

莢仁三十粒去皮尖

右剉每服五錢水三鍾煎至一鍾半去渣入硝又煎分

二服

產書治產後心煩手脚煩熱氣力欲盡血暈連心頭頭暈  
寒熱不禁接骨木破之如算子一握以水一升煎取半升  
分温二服或小便數惡血不止服之即瘥此木煎三遍其  
力一般此是起死之方

右重劑血點滴不出者宜用

下血多  
血暈者  
宜補血

花蕊石散治產後氣欲絕惡血奔心至死者但以童便  
調一錢取下惡物極妙方見跌  
損傷損黑神散治產後血暈用

細酒調服佳方見產  
通用

右二方寒多者用之

芎歸加芍藥湯治產後去血過多而暈方見產後  
血不止

又方治產後血暈危困

生地汁一大當歸二錢赤芍藥二錢

右水煎三五沸温服如覺煩熱去當歸入童便半盞服

之

**治產後餘血攻心或下血不止心悶面青身冷氣欲絕**  
新羊血一盞飲之日三服妙

**大產後忽胃悶汗出不識人者暴虛故也破鷄子三枚吞**  
之便醒若未醒可與童便一升甚驗 若產後去血多者  
又增此疾與鷄子不醒者可急作竹瀝汁一服五合須臾  
不定再與五合頻與三五服瘥

**婦人年三十餘面白形長心中長有不平事忽半夜誕**  
子總分娩後侵晨暈厥不知人遂急於氣海灼艾十五壯  
而蘇後以參朮等藥兩月方安

陽虛陰虛

**一產婦鬱胃其脈微弱不能食大便反堅但頭汗出所**  
以然者血虛而厥厥而必冒胃家欲解必大汗出以血虛  
下厥孤陽上出故但頭汗出所以產婦喜汗出者亡陰也

氣虛

雜方

虛陽氣獨盛故當汗出陰陽乃復大便堅嘔不能食小柴

胡湯主之

齊胃也

**大**治產後血暈全不省人事極危殆者用韭菜切入有嘴瓶內煎熟醋沃之便密封瓶口以瓶嘴向產婦鼻孔令醋氣透入須先扶病人起坐即醒 又方如覺暈即以醋噴面醒來即與醋細細呷之又以醋塗口鼻并置醋於傍使常聞其氣 又法治血暈去者急取乾漆燒取烟以向鼻即醒如無乾漆舊漆器亦可 又方治產後血暈用生半夏末少許吹入鼻中

**本**治胎後血上衝心生姜五片切以水八升煮取三升分三服

**丹**醋墨防產時血暈好墨半錠火燒赤投醋中如此三遍出火毒研細每服五分淡醋湯調下

針灸

**摘**產後血暈不省人事 三里 支溝 三陰交此穴無

**標幽**又法 陰交 陽別

**世**又法 神門 內關不應取 關元灸

產後血不下

汚血

**保**治婦人惡血不下

當歸炒 芫花炒

右為細末每服三錢酒下又用好墨醋煨末小便酒下

妙

**大**產後惡露方行而忽然斷絕驟作寒熱臍腹百脈皆痛

如以錐刺

當歸分 桂心 芍藥各半 桃仁去皮尖

沒藥研各 蜜虫去翅 水蛭炒各三

右為末醋糊丸如豌豆大醋湯下

右峻劑

治產惡露不下

乾荷葉

二兩

鬼箭羽

菟仁

劉寄奴

蒲黃

各一兩

右為粗末每服三大錢以童便一大盞姜二片生地一分搥碎同煎至六分去渣無時熱服

**治**產後血不下蒲黃三兩水三升煎取一升頓服

**本**治產後血不下益母草搗絞汁每服一小鍾入酒一合

溫攪勻服

**千**生產後血不去麻子五升酒一升浸一宿明日去渣溫

服一升不瘥再服一升不吐不下不得與男子通一月將

養如初瘥

**大**黑龍丸治產後一切血疾產難胎衣不下危急惡疾垂

寒滯

死者但灌藥得下無不全活神驗不可言

當歸

五靈脂

川芎

良姜

熟地

各三兩

右細入沙礮中赤石脂泔縫紙筋鹽泥固濟炭火十斤煨通赤去火候冷取開看成黑槽色取出細研却入後藥

百草霜

硫黃

乳香

花蕊石

琥珀

各三錢

右五味並細研如桐子大頓服立効

產後血不止

芩歸加芍藥湯治產後血崩眩暈不知人事

川芎

當歸

芍藥

各等分

右咬咀每服四錢以水一鍾半煎至七分去查無時熱

虛

服

產後血崩如葶汁紫黑過多者四物湯加蒲黃生地汁

阿膠蘗根艾白芷煎服

虛中有寒

四七二孺人產後胃寒哭多血再下身滯脈沉

當歸

白朮

陳皮

川芎

乾姜

黃芩

芍藥

甘草

右分二貼煎服

虛中有滯

王孺人因憂慮墮胎後兩月餘血不止腹痛此躰虛氣滯

惡物行不盡

陳皮

白朮

芍藥

木通

川芎

甘草

作湯下五芝丸六十粒食前

治產後惡血不盡或經月半歲升麻三兩清酒五升煮

隨下者舉之

之  
此者益

取二升半分温再服

壯礪散治產後惡露淋瀝不絕心悶短氣四肢乏弱頭

目昏重煩熱

壯礪

川芎

熟地

茯苓

龍骨

續斷

當歸

艾葉

五味

人參

甘草

地榆

右為末每服三錢生姜三片枣一枚水同煎食前

汚血

產善產後猶有餘血水氣者宜服頭淋酒黑豈五升熬令烟盡於甕器內以酒一斗焯之

右頭淋酒治汚血又能發表也

治產後惡血不絕腹中絞痛氣息急

亂髮

阿膠

代赭石

乾姜

馬蹄

乾地黄

牛角

酥炙

寒

雜方

右為細末煉蜜丸如桐子大空心米飲下三四十九日

二服

治產後崩中下血不止葛蒲一兩半剉酒二鍾煎一鍾去渣分三服食前溫

產後血崩取木月及所者或半斤者燒灰為末用麝香一錢枳殼去穰肉煎濕紙包煨令香熟研細入藥每用一錢烏毒湯下

右木月蓋木耳之類木屑也按木耳治崩中滯下效

產後下血不止桑白皮煮水飲之

治胎落下血不止以桑木中蝎虫燒末酒服方寸七

日二服

產後虛弱

虛熱

產後補虛

人參

白朮各一錢

黃芩

歸身尾各五分

川芎半兩

陳皮二分

本煎服如有寒加乾姜三分茯苓一錢

元湯治產日久虛勞而脈浮大者

方見婦人門大法條乃小柴胡合四

治產後日久虛勞鍼灸不效者三合散

此四君子四物小柴胡三方合和是

白朮

川歸

芍藥

黃芪

茯苓

熟地兩

柴胡一兩

黃芩六錢

人參一兩

半夏

甘草各六錢

川芎一兩

右為粗末每寸兩水一鍾半服日三

因當歸羊肉湯治產後雖無疾者但覺虛弱兼心腹痛

肥羊肉一斗

去脂水一斗

當歸五兩

黃芪四兩

七  
以  
參

生姜六兩

右以肉汁煮三味取二升五合分為四服若覺惡露不盡加桂三兩惡露下多加芎三兩有寒加茱萸一兩有氣加細辛二兩有熱加生地汁二合

**保**治產婦虛勞不能食十全散

方見治虛實法氣血糸

**羅**當歸建中湯治婦人一切血氣俱損及產後勞傷虛羸不足腹中疼痛吸吸少氣小腹拘急痛引腰背時自汗出

方用當歸四兩肉桂二兩甘草二兩白芍六兩姜棗煎服

**雲**治產後虛損飲食不下四物加建中人參白朮茯苓主

之

產後無乳

虛實

**大**累經產而無乳者亡津液故也須服滋益之藥以動之若雖有乳却又不甚多者須服通經之藥以動之仍以葵

臍引之蓋婦人之乳資於衝脈與胃經通故也大抵婦人素有疾在衝任經者乳汁少而其色帶黃所生之子怯弱多病

無乳汁不行有氣血盛而壅閉不行者有血氣弱澁而不行者虛當補之實當疎之疎用通草漏蘆土瓜葷補用鍾乳粉豬蹄鯽魚之屬

實者錄之

大治乳無汁

土瓜

漏蘆各三

甘草二

通草四

右水八升煎取二升分溫三服

下乳汁括萎子淘洗控乾炒令香熟瓦上掄令白色為

末酒調下一七合卧少時產書下乳汁土瓜為末酒服

一錢日三服

下乳汁以京三稜三個水二碗煎取一碗洗取汁下為

度極妙

虛者補之

婦人乳不行高苕子糯米各一合細研水一碗攪勻入甘草末一字煎之温呷頻與妙

立効方下乳汁

糯米

高苕子

各半合並淘洗

甘草

半兩

右煎汁一升研藥令細去查分作三服立下

又方 猪蹄隻一

通草兩

右以水一斗煮作羹食之

通泉散治婦人爛汁因氣絕少

瞿麥穗

麥門冬

去心

龍骨

川山甲

炮黃

王不留行

右為細末每服一錢熱酒調下後吃猪蹄羹少許又用水梳於左右乳上各梳三二十梳日三服依前法

又方治嬾汁少

瓜萎根

薄荷幹身

等分

右為粗末先吃羊蹄汁一碗次服藥後再吃葱絲羊羹

湯少許出効

因有人乳脈不行已十七日諸藥無効遇有人送赤荳一斗遂時常煮粥食之當夜乳脈通行

乳汁自出

虛實

因產前乳汁自出者謂之乳注生子多不育產後乳汁自出蓋是身虛宜服補藥以止之若乳多急痛而出者温帛熨之漏蘆散亦可

漏蘆

二錢

蛇蛻

一條

瓜萎

右為末酒調二錢無時

產後陰脫

四一婦人三十餘歲生女二日後產戶一物如手帕下有  
怕尖約重一斤子思之此因胎前勞乏傷氣成肝痿所致  
却喜血不甚虛其時感暮天寒恐冷乾壞了急與灸黃芪  
半錢人參一錢白朮五分當歸一錢半升麻五分三貼連  
服之即收上得汗通身乃安但下齋沾席處乾者落一片  
約五六兩重蓋脂膜也食進得眠診其脈皆潛左略弦視  
其形却實與白朮芍藥各錢半陳皮一錢生姜一片煎二  
三貼以養之 一婦人產子後陰戶中下一物如合鉢狀  
有二坡其夫來求治子思之此子宮也必氣血弱而下墜  
遂用升麻當歸黃芪大料二貼與之半日後其夫復來曰  
服二次後覺響一聲視之已收陰戶訖但因經宿乾着席  
上破一片如掌心大在席其妻在家哭泣恐腸破不可復  
生子思之此非腸胃乃糟粕也肌肉破尚可復完若氣血

雜方

充盛必可生滿遂用四物湯加入參與一百貼三年後復  
 有子 治子宮下用黃芪一錢半人參一錢當歸七分升  
 麻三分甘草二分作一貼水一鍾煎至三分去查食前服  
 却用五倍子末泡湯洗又用末傅之如此數次宜多服藥  
 永不下 治陰脫蓋產努力太過致陰脫若脫肛狀及陰  
 挺出逼近腫痛舉重房勞皆能發作清水續續小便淋露  
 用硫黃烏賊骨各半兩五味子一分為末傅患處兼服參  
 芪歸草升麻等補藥 治產後陰下脫人尿燒酒下方寸  
 七日 千金雜錄蝟皮散加驚  
頭灸亦治方見脫肛  
**治產後陰腫下脫**內出玉門不閉石灰一升炒極熟湯  
 二升投灰中適溫冷燈清坐水中以豆玉門斯須平復如  
 故 又方以鉄精粉上推內之又灸下橫紋二七壯  
 一法用鉄精羊脂二味攪令稠布裹灸熱熨推內之鉄精

是鍛鉄灶中飛出如塵紫色而輕虛可以塗磨器皿者

又方單炒蛇床子一升乘熱以布裏煨患處亦治產後陰

戶痛

**子母**療產後陰下脫燒兔頭末傅之

針灸

**東**女人胞胎門落頰不收常濕 神關 玉泉五寸 身

交下指縫中灸 又法 玉泉傍開三寸灸隨年 女

人陰門冷腫 飯來三十

**甲**婦人陰挺出四肢淫灑身悶少海主之一

醫學綱目卷之三十五